



Inatsisartunut ilaasortaq,
Peter P. Olsen, Inuit Ataqtigiit
/Maani

**Ujaqqanut pinneraasiassanut nunatsinneersunut uppenarsaammik
allagartaliisarnermik atuutsitsilersinnaaneq pillugu § 37 naapertorlugu
apeqqummut nr. 2018/335-imut akissuteqaat 14.01.2019**

Suliap nr. 2017 - 23833
Ulloq: 14/01/19

Asasara Peter P. Olsen.

Postboks 930
3900 Nuuk
Tlf. (+299) 34 68 00
E-mail: asn@nanoq.gl
www.govmin.gl

Inatsisartut suleriaasianni § 37 naapertorlugu apeqqutit matuma kingulianiittut,
Naalakkersuisunut saqqummiuppatit, taakkualu matumani akissuteqarfigineqarput.

- 1. Ujaqqat nunatsinneersut pinneraasiat ujaqqallu nunatsinneersut
qiperukkat pillugit uppenarsaammik allagartaliisarneq pillugu
nalunaarusiaq 2017-imeersoq aallaavigalugu, ujaqqat
nunatsinneersut pinneraasiat ujaqqallu nunatsinneersut qiperukkat
pillugit uppenarsaammik allagartaliisalernissaq Naalakkersuisut
maannakkorpiaq isumaliutigivaat?**

Akissut:

Maannakkorpiaq Naalakkersuisut aalajangiinissaannut tunngavissat,
ujaqqanut pinneraasiassanut Kalaallit Nunaanneersunut akuersissummik
allagartaliisarnermik aaqqissuussinermik atuutsitsisoqalissanersoq
Naalakkersuisunut inassuteqaammik imaqartut, suliarineqarput.
Aatsitassanut Suliffeqarnermullu Naalakkersuisutut inassuteqaammi
annikitsumik aatsitassarsiornissamut pisinnaatitsissummik pigisaqartut
akuersissummik allagartaliisarnermik aaqqissuussinermut
soqutiginnissinnaanersut pillugu kingullertigut oqaloqatigiinnerit
aallaavigineqassapput. Naalakkersuisunut inassuteqaat maanna
suliarineqarpoq.

- 2. Uppenarsaammik allagartaliisarneq
aallartinneqarsinnaasuugaluarpat, nunatsinni ujaqqanik
pinneraasiarnermik inuussutissarsiuteqarnermut
ineriartorlualereersumut, Naalakkersuisut
nukittorsaaqataasinnaasutut isigaat?**

Akissut:

2015-imi decembarimi *Kalaallit Nunaanni ujaqqanut pinneraasiassanut inuussutissarsiuteqarnermik ineriartortitsinissamut inuiaqatigiinni periarfissat pillugit nassuiaat saqqummersinneqarpoq. Nassuiaammi ujaqqanut pinneraasiassanut Kalaallit Nunaanneersunut akuersissummik allagartaliisarnermik aaqqissuussinermik atuutsitsilernissamut periarfissanik misissuinissaq pillugu inassuteqaat ilaatinneqarpoq. Inassuteqaat taanna 2017-imi juunimi *Ujaqqat nunatsinneersut pinneraasiat ujaqqallu nunatsinneersut qiperukkat pillugit uppernarsaammik allagartaliisarneq pillugu nalunaarussiaq saqqummersinneqarluni malitseqartinneqarpoq. Nassuiaammi akuersissummik allagartaliisanermut periarfissat assigiinngitsut misissorneqarput. akuersissummik allagartaliisarnermik atuutsitsilernissamik periarfissat, decembarimi annikitsumik aatsitassarsiorneq pillugu isumasioqatigiinnermi annikitsumik aatsitassarsiornissamut pisinnaatitsissummik pigisaqartunut saqqummiunneqassasut, 2018-imi ukiaanerani aalajangiisoqarpoq.**

Naalakkersuisut Nuummi ulluni 5-6. december 2018 annikitsumik aatsitassarsiorneq pillugu isumasioqatigiissitsipput. Isumasioqatigiissitsinnermi annikitsumik aatsitassarsiornissamut pisinnaatitsissummik pigisaqartut 20-init amerlanerusut peqataapput. Akuersissummik allagartaliisarnermik aaqqissuussinerup atuutsinneqalernissaa oqallisigineqarpoq.

Akuersissummik allagartaliisarnermik aaqqissuussineq nittarsaassinermik aallaaveqartoq, ilaatigut ujaqqap pinneraasiassap nunatsinneersuuneranut uppernarsaatitut atuuttoq periarfissat ilaattut oqallisigineqarpoq. Taamatut ilusiliineq annikitsumik aatsitassarsiornissamut pisinnaatitsissummik pigisaqartunit peqataasunit isumassarsiatsialattut isigineqanngilaq.

Annikitsumik aatsitassarsiornissamut pisinnaatitsissummik pigisaqartut ataasiakkaat tamatumunnga taarsiullugu akuersissummik allagartaliisarnermik aaqqissuussineq ilisimatuussutsimik aallaaveqartoq apersuutigaa. Taamatut aaqqissuussineq ujaqqap pinneraasiassap suminggaaneerneranut uppernarsaatitut allagartaaginnassanngilaq, kisianni aamma taassuma pitsaassusaanut, niuerneramik tunngaveqartumik nalilerneqarneranut ilaalu ilanngullugu uppernarsaataassalluni. Taamaattoq naliliisoqarpoq taamatut aaqqissuussinnermi Naalakkersuisut akuersissummik allagartaliinissap ingerlanerani akisuumik, arlaannaannulluunniit attuumassuteqanngitsumik aammalu nunani

tamalaani akuerisaasumik naliliisartumik suliaqartitsinissamik pisussaaffilerneqassasut.

3. Ujaqqat pinnerasaasiat nunatsinneersut pillugit uppersaammik allagartaliisarnep aallartinnissanut, teknikkikkut taamatullu aningaasaqarnikkut maannakkut akimmisaarfissaqarpa?

Akissut:

Ujaqqamut pinnerasaasiassamut akuersissummik allagartaliisarnermik aaqqissuussinerit assigiinngitsunut marlunnut immikkoortinneqartarput: Ilisimatuussutsikkut imaluunniit ujarassiornikkut akuersissummik allagartaliisarnermik aaqqissuussineq aammalu nittarsaassinerimik aallaaveqartoq.

Ilisimatuussutsikkut akuersissummik allagartaliisarnermik aaqqissuussinerimik ujaqqap pinnerasaasiassap ilisimatuussutsikkut ilisarnaateqarluni naleqarnera aalajangerneqartarpoq, soorlu aatsitassap suussusaa, oqimaassusaa, silineqarnerata pitsaassusaa aamma ujaqqap pinnerasaasiassap suliarineqarnera.

Nittarsaassinerimik aallaaveqartumik akuersissummik allagartaliinermik ilisimatuussutsimik tunngaveqanngitsut tunngavissat, assersuutigalugu ujaqqap pinnerasaasiassap nuna suminngaaneerfianut uppersaamat, atorlugit ujaqqap pinnerasaasiassap nalinga aalajangerneqartarpoq.

Annikitsumik aatsitassarsiornissamut pisinnaatitsissummik pigisaqartut ilisimatuussutsikkut akuersissummik allagartaliisarnermik aaqqissuussineq ujartorpaat. Taamaattumik atuutsitsilernissamut aningaasaqarnikkut teknikkikkullu piunasaqaatit qaffasissuussuuppup. Ilisimatuussutsikkut akuersissummik allagartaliisarnermik aaqqissuussinerimik atuutsitsilerneq taamaalilluni aningaasaqarnikkut aningaasartuuteqarnerimik allaffissornikkullu isumalluutinik annertuunik malitseqartussaavoq.

4. Annikitsunik aatsitassarsiornep ingerlatsinerimut akuersissutinik tunineqarsimasut, uppersaammik allagartaliisarnissaq kissaatigaat?

Akissut:

Annikitsumik aatsitassarsiorneq pillugu isumasioqatigiissitsinerimik siuliani taaneqartumik annikitsumik aatsitassarsiornissamut pisinnaatitsissummik pigisaqartut akuersissummik allagartaliisarnermik aaqqissuussinerimik nittarsaassinerimik aallaaveqartumik atuutsitsilernissaq pillugu

siunnersuummut annertunerpaatigut qulartumik isumaqarput. Isumaliutersuutigineqarpoq taamatut aaqqissuussineq ujaqqanik pinneraasiassanik nunatsinneersunik tunisaqarnerunermik imaluunniit naleqarnerulernerannik malitseqarnavianngitsoq.

Tamatumunnga taarsiullugu annikitsumik aatsitassarsiornissamut pisinnaatitsissummik pigisaqartut ataasiakkaat ilisimatuussutsikkut akuersissummik allagartaliisarnermik aaqqissuussinermut, nunani tamalaani akuersisaasumik naliliisartumik akuutitsiviusussamut, soqutiginninnerupput.

5. Ujaqqat nunatsinneersut pinneraasiat pillugit uppernarsaammik allagartaliisarnep aallartinneqarnissaa, ukiuni tulliuuttuni qaninnerni Naalakkersuisut piffissanngorsimassasoraat.

Akissut:


Piffissamut niuerfinni ineriartorneq, ilanngullugulu aamma najukkani annikitsumik aatsitassarsiornissamut pisinnaatitsissummik pigisaqartunit kissaatigineqartut, ilimagereerneqarsinnaanngitsut, apequtaassapput.

6. Ujaqqat nunatsinneersut pinneraasiat ujaqqallu nunatsinneersut qiperukkat pillugit uppernarsaammik allagartaliisarneq pillugu nalunaarusiami (2017), ujaqqat nunatsinneersut pinneraasiat pillugit uppernarsaammik allagartaliisarnep aallartinneqarneratigut aningaasartuutissatut missingersuut eqqaaneqarpoq, aaqqissuussinernep aningaasaqarnikkut sunniutigiumaagassai pillugit missingersuut taanna Naalakkersuisut suli aalajangiusimavaat.

Akissut:

Aap, kisianni akuersissummik allagartaliisarnermik aaqqissuussinermut nittarsaassinermik aallaaveqartumut aningaasartuutit kisimik missingersuinermi takutinneqarnerat sillimaffigalugu. Ilisimatuussutsikkut akuersissummik allagartaliisarnermik aaqqissuussinermut aningaasartuutit annertunerujussuusarput.

Inuassiamersumik inuulluaqqusillunga



Erik Jensen